



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 20. De vocatione Apostolorum.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)



MEDITATIO XX.
DE VOCATIONE APO-
STOLORVM.

PVNCTA MEDITATIONIS.

- Matt. 4.* I. IESVS Videns iuxta mare Petrum
Marc. 2. & Andreã dixit, Venite post me, fa-
Luc. 5. ciam vos fieri piscatores hominum, at
illi relictis retibus, secuti sunt eum.
- II. Ibidem vidit Ioannem & Iacobum
reficientes retia, qui eodem modo vo-
cati, secuti sunt eum.
- III. Transiens autem ante telonium
vidensq; Matthæum ait: sequere me:
qui statim secutus est, fecitq; illi con-
uiuium magnum.

FIGVRA.

ELias reperto Elisæo in agro, quem a-
rabat, misit pallium suum super illum,
qui statim relictis bobus, & licentia acce-
pta à patre & matre, secutus est Eliam,
cùm prius conuiuium omnibus socijs
suis exhibuisset.

PROPHETIÆ.

- Esa. 8.* I. ECCE ego & pueri mei, quos dedit mi-
hi Dominus in signum & in porten-
tum in Israel. 2. Ecce

2. *Ecce ego mittam piscatores multos, dicit Iere. I. Dominus, & piscabuntur eos.*

DOCUMENTA.

1. **I**acobus & Ioannes reficiebant sua retia. Nomine horum duorum Apostolorum designantur concionatores, quos conuenit nonnunquam, relicta piscatione animarum vacare reficiendis retibus: hoc est, intermissa prædicatione attendere sibi, & suæ salutis colligendo, & renouando spiritum, ut postea maiore fructu rursus possint iuuare alios.
2. Petrus, & reliqui Apostoli à Christo vocati subito relictis retibus, naue & patre, secuti sunt illum. Tria relinquere debent, quibus est animus Christum sequendi. Primò retia, hoc est, opera peccatorum, quibus homines ceu retibus illaqueantur. Secundò uauem, id est, possessiones huius mundi & omnia temporalia. Tertio affectum erga parentes & cognatos, quod significatū est nomine patris, quem Apostoli reliquerunt.
3. Petrus primò vocatus est ad Apostolatam, deinde Ioannes. Petrus significat bonam & feruentem actionem; Ioannes contemplationem, ut intelligamus, hominem spirituales, qui desiderat se perfectè per contemplationem coniungere Christo, debere prius in sui mortificatione, alijsq; virtutum Christianarum operibus exerceri.
4. Hi discipuli cum in media piscatione essent, vocati à Christo, mox relicto opere imperfecto secuti sunt eum: Eiusmodi obedientiam Dominus postulat à religioso, nimirum ut subitò, nulla interposita temporis mora, sine dif-

ne dif-

- De disputatione vlla pareat superioris mandato. Si verò ratio aliqua humana in contrarium occurrat, meminerit eius, qui dum replicaret
- Matt. 8.** Christo, possetne prius sepelire Patrem suum, permissus non est; vt disceremus Christum omnibus rebus anteferendum.
5. Scriptum est Matthæum mox post conuersionem suam ad Christum fecisse illi conuiuium, vt intelligeremus, quemadmodum anima immersa peccatis, instar filij illius prodigi continua vexatur fame, optans, quando aliud non habet, porcorum filij quis satiari: Sic contra animam in gratia existentem ob conscientia pacem & securitatem & diuinarum consolationum copiam, qua palcitur, esse in continuo conuiuio cum Christo, secundum
- Prov. 15.** illud dictum Sapientis. *Secura mens quasi iuge conuiuium.*
6. Deinde sicut Matthæus post conuersionem conuiuium instruxit Christo, sic cum Dominus nos vocat à peccato ad statum gratia, vel è sæculo ad religionem, non debemus esse tanto beneficio ingrati sed parare Christo conuiuium spiritale in domo cordis nostri, seruiendo illi cogitationibus sanctis, meditationibus pijs, & affectibus caritate inflammatis,
- Apoc. 3.** congruenter illi, quod alicubi dixit: *Ego sto ad ostium & pulso, si quis audierit vocem meam, & aperuerit ianuam, intrabo ad illum, & coenabo cum illo, & ipse mecum.*
7. Christus adibat conuiuia peccatorum, vt haberet occasionem docendi illos, & cibo spirituali omnes inuitatos reficiendi. Quo exemplo informat omnes, quibus incumbit officium iuuandarum animarum, posse eos adire conuiuia,

uiuia, quando vident occasionem esse faciendi fructum, vel adiuuandi aliquem peccatorem; secus non.

8. Etsi alij Euangelistæ noluerint Matthæum suo vulgato nomine appellare, vt eius tuerentur honorem: Ipse tamen iuxta dictum *Sapientis. Iustus prior est accusator sui*, se appellauit in Euangelio Matthæum, & publicanum: vt ostenderet, nemini desperandam salutem, qui velit ad meliorem vitam conuertere: quandoquidem ipse è publicano conuersus est in Apostolum. Vbi & illud discimus, vitia & peccata aliena, quoad fieri potest, semper esse celanda & occultanda, propria autem potius confitenda.

Pro. 18.



MEDITATIO XXI. DE MIRACVLOSA PISCATIONE.

PVNCTA MEDITATIONIS.

- I. *Turbis irruentibus prope stagnum Genezareth, ascendit, in nauem Simonis vt doceret.* Ioan. 5.
- II. *Finita concione monuit Petrum, vt retia laxaret: qui excusans se quod tota nocte mihi cepisset, ait: In Verbo tuo laxabo rete; cepitq; tantam multitudinem vt socys egeret.*
- III. *Visa hac piscium multitudine S. Petrus,*

Petrus,